

孫仲子泰來曰夫謂不禁者乃小便出多不計其  
 遍數為下元大虛之症由陽氣虛憊不能收持  
 此急症也不急治則死矣非大溫大升大補則  
 莫能濟其虛而固其原彼尿床者嬰孩童稚常  
 有之蓋男子十六而精通腎氣固即不為治至  
 其時亦自止若治之早者則早止也亦有至老  
 而不止者余曾擊十數人矣余族且三人皆乏  
 嗣總由下元虛冷良可徵矣劉守真謂有熱客  
 腎部干於厥陰廷孔鬱結極甚不能宣通故遺

失不能收禁愚謂既鬱結極甚不能宣通則小  
 便所出者僅點滴而已所出必短澁疼痛色必  
 黃赤安能直遂長清不收不禁哉內經謂膀胱  
 約而為痿不約為遺溺不禁由是察之中真之  
 論只可言淋乃暫有之疾非遺失日久者可擬  
 余不佞僭為辯

鷄腸散 小兒尿床遺溺不能知竟

- 鷄腸 燒
- 牡蛎 煨
- 白茯苓
- 真桑螵蛸 炒各五錢
- 桂心
- 龍骨 各二錢半
- 每服三錢姜棗煎服

鷄胫脛散 治遺尿

鷄胫脛具一 鷄腸燒 猪胞焦

右為末男用雌女用雄每服一二錢酒調下

破故紙散 下元虛冷遺尿

破故紙炒 為末一二錢白湯調服

益智仁散 治全上亦治白濁

益智仁 白茯苓分 為末每服一錢空心米

飲下

又方 五倍子一半生用一半燒存性 為末雪糕為丸白湯

補原丸 治下元虛憊小便不禁或如脂膏

桑螵蛸 益智仁 人參 仙茅 山茱萸肉

兔絲子 乾山藥 巴戟 右為末各照常製

芡實粉為丸蓮肉湯送下七八十九

遺尿方 破故紙 益智仁 烏藥各三錢 白茯苓

茯神各一錢 右為末空心米飲下一錢

### 大宮詹少溪吳馭閣校



國家圖書館, NATIONAL CENTRAL LIBRARY, TAIWAN, R.O.C.

小虎金銀

二卷

三

卷終

赤水玄珠幼科三十二卷目錄

外腎光腫門

痢門

瘡門



吃坭

吃生米明

耳門

龜胸龜背門

虫門



國家圖書館 NATIONAL CENTRAL LIBRARY, TAIWAN, R.O.C.

赤水玄珠

三十二卷目錄

疳門  
癩門

目錄終

小兒金鏡卷之三

國家圖書館, NATIONAL CENTRAL LIBRARY, TAIWAN, R.O.C.

新安生生子孫一奎著輯

○外腎光腫門

小兒陰腫多由甘肥不節濕熱下流或啼哭怒氣不順或失坐冷地皆能致之

丹溪謂脫囊腫大墜下不收以紫蘇莖葉為末水調荷葉包之又謂一人傳此方用野白紫蘇為

末濕則乾，搽乾則香油調敷。雖皮潰而核欲墜，悉有神功。

菀仁丸 治怒氣不順，啼哭鬱氣結於肝經，發為

陰腫，或為偏墜，或水竇不通，亦能發腫。此方主

之。菀仁去皮 桂心 黑荳微炒 白蒺藜炒研

牡丹皮 大黃各等分 右為末，煉蜜丸。麻子大

每服五丸，或七丸。青皮、木香、葱白煎湯入鹽

少許送下，或煎大流氣飲，研青木香送下。

丹溪 用木通、甘草、黃連、當歸、黃芩煎服。

牡蠣散 小兒外腎腫大，莖物光明。

牡蠣煨 為細末，以津唾調塗腫處，即消。

又方 加地龍末一分 如外腎熱者，以鷄子清調敷。

又方 治小兒外腫 菀仁研如泥，津唾調敷。

青木香丸 寬中快膈，腹脇疼痛，心下堅痞，腸中

水聲，陰腫偏墜。

黑荳炒一兩 青木香 補骨脂炒 葦澄茄

栝柳各四兩 先將栝柳用粟米包外丹以濕紙裹煨令焦去飯取栝柳全前藥為末酒水丸荒荳大每服二十九白湯下

又方 治偏墜 防風 牡丹皮

為末酒調服一二錢立効 或白湯入鹽下

又方 治偏墜 五苓散內加防風牡丹皮極効

有熱者服三黃丸

三白散 膀胱蘊熱風濕相承發為陰腫小便

白荳炒二兩 素白皮 白朮 木通 陳皮各五錢

右為末每二錢姜湯調服

蟬退散 陰囊忽腫或坐地多時感受風濕或為

虫蟻所吹

用蟬退五錢水一碗煎湯薰洗腫處腫消痛止

須洗二三次後服五苓散以燈心湯調服

又方 葱地上蚯蚓糞為末煎甘草汁調敷腫上

或薄荷汁調亦妙

○痢門

小兒痢疾外感少而內傷多故曰無積不成痢也

但當審諦新久虛實若新起而腹痛手不可近後重裏急日夜頻送小水短少稠粘之物若膿若血不計遍數者急宜下之下後看輕重再為調補噤口者審其從時令之氣而來身必發熱用人參敗毒散加陳倉米有熱毒薰蒸胃口虛而不納穀或乾噦嘔惡者以辰砂益元散用生姜汁調燈心湯送下若痢久而腸胃虛弱者但當補養氣血蓋虛回而痢自止也脾胃健飲食進痢自旋止日數雖多而無誤於事也小便不

利者當利之清六九佳

人參敗毒散 治四時不正之氣發為寒熱瘧痢或遍身作痛嘔噦惡心噤口 方見丹毒赤遊加陳皮姜枣

香脯 小兒刮腸下痢噤口不食閉口合眼至重

危困

精猪肉

一兩批薄片

膩粉

將猪肉於炭

火上慢炙旋鋪膩粉令勻成脯每以少許與吃如味知吃且放鼻邊自然要吃此方治胃口有盡食之神効



百一選方 治噤口痢

蓮肉去壳留心碾為末每服半錢陳米飲調下  
此是毒氣上衝心肺借此以通心氣便覺思食

山藥散 噤口痢

乾山藥一兩半炒熟 為末白湯調二錢服之

嘔噦立止

茅花湯 吐血下血鼻衄血痢黑痢

茅花一大把水煎服 無花用根代之

枳殼寬腸散 順氣治痢

甘草灸六錢 枳殼炒二兩 為末每服一錢空

心白湯調下

烏梅湯 治下痢津液少臟腑虛燥煩渴引飲及

諸病後煩渴引飲無度

烏梅肉微炒五錢 白茯苓 木瓜各一兩 右每三

錢姜一片水煎服

清六九 治血痢小水短少及洩瀉 此方專清

六府濕熱故名清六內用紅麴者以其能消食

積而化淤血也

桂府白滑石飛過六兩 炙甘草二兩 紅麴炒五錢

右滴水為丸，灯心湯下，二三十丸。

芍藥湯 治赤白膿血裏急後重腹中疼痛，劉守

真云行血則便膿自愈，調氣而後重自除。此方

是也。白芍藥二錢 當歸一錢 酒連 酒苓各分

木香 枳榔各五分 肉桂四分 甘草二分 水煎服

小水短少，日夜後重者，加只壳、升麻、桃仁各一

錢。滑石三錢。若積滯重而熱盛者，加大黃一

錢。

保和丸 食積痢腹疼，不知餓，用此消之。

山查 神麴各二兩 陳皮 半夏各一兩 蘿蔔子

連翹炒各五錢 右末仍以神麴為丸，荒豈大每

服一錢，白湯下。

小香連丸 裏急後重腹疼赤白痢

黃連吳茱萸各一兩，全炒只用連 木香二錢 訶子煨去核五錢

右為丸，麴糊為丸，荒豈大每三十九丸，米飲下。

地榆散 治赤痢無糞，鮮紅點滴而下。

地榆炒蜜 訶肉煨 甘草各一分

為末每服一錢米飲調下

地榆飲 熱痢腹痛赤白頻併

地榆 錢二 甘草 白芍藥 當歸 各一錢 枳壳 一錢

黃連 吳茱萸 炒一錢 水煎服

茯苓白朮散 治寒痢所下清白如魚凍者脾弱

不思飲食

茯苓 三錢 白朮 人參 木通 只壳 甘草

炒各一錢 肉果 煨 桂心 各一錢半 訶肉 二錢 陳皮

每三五錢燈心煎服

朴附丸 治寒痢滑洩不禁

厚朴 制 大附子 炮 乾姜 炮 陳皮 各等分

為末粟米糊為丸每服五七分或一錢米飲下

又木香 一錢 黃連 吳茱萸 炒三錢 粟壳 去蒂萼蜜 炒二錢

薑蚕 一錢 甘草 二錢 右剉以生姜三錢全炒

爆乾為末米飲調下 赤生地黃湯下 白烏

梅湯下 如有熱小柴胡湯解之

養臟湯 治冷熱不調下痢赤白或如膿血魚腦

裏急後重腹臍疼痛脫肛 如臟腑滑洩夜起

及日久虛寒加大附子三片

栗壳蜜炒 人參 當歸 肉桂 肉果 煨

白朮 訶肉 煨 炙甘草各一錢 木香 芍藥各一錢半

每三五錢水煎服忌酒麪生冷

胃風湯 風冷乘虛干於腸胃水穀不化泄瀉腹

脇虛滿腸鳴痞痛下如豈汁或純瘀血

白朮 芍藥 川芎 人參 當歸 肉桂

茯苓各寺分 每服三錢入粟米一錢水煎服

芍藥栢皮丸 一切膿血惡痢窘痛

白芍藥 黃栢各一兩 當歸 黃連 枳壳各錢

為末滴水丸荒豈大白湯下

三黃熟艾湯 積熱下痢赤色及治傷寒四五日

大下熱利諸藥不効者

黃連 黃芩 黃栢各七錢 熟艾半雞子大

每服三錢水煎服

噤口痢 人參 黃連各一錢 石蓮子三分

為末擦牙關二三次即能食 右丹溪用人參

黃連二味煎濃服之但得一噉入腹即愈此加



石蓮子亦有理

荳蔻散 嬰孩腸胃脆弱糲粉不聚瀉痢不止或赤或白冷熱不調日夜頻併愈而又發神効但忌葷腥生冷

肉荳蔻

煨一個

胡粉

炒二錢

龍骨

生一錢

枯礬

錢一

為末每服一錢米飲調下或以薄糊丸麻子大每服五六十丸 議曰胡粉即真鉛粉也出韶州者名韶粉出定州者名定粉摠名光粉其性滯故用以滯其腸令不虛滑荳蔻溫臟之藥安

和腸胃龍骨白礬瀉腸止痢凡虛滑日夜無度者服之隨時痊愈

神効雞青丸 嬰孩下切痢疾不拘冷熱皆効

木香

錢二

生黃連

分五

肉荳蔻

生一個

大者

右為粗末取雞子青搜和作餅慢火炙黃色變紅者稍乾擘破碾為末白麵糊為丸麻子大每三五十九米飲下 此方功在雞子青大効至聖千金飲子 治先吐後瀉後又變痢臍腹疝痛脇肋脹滿受濕虛鳴膿血五色相雜或

如豆汁或如瘀血日夜無度食少肌羸

黃芪蜜炙 甘草 陳皮 粟壳蜜炙 木香

白芍藥 地榆蜜炒 黑荳炒 當歸 枳壳炒

烏梅 淮東 白朮 訶肉煨 黃連各等分

每三五錢水煎服

大艾煎丸 小兒虛痢太渴不止

艾葉燒存性 乾葛粉 胡粉炒 海螵蛸

龍齒各等分 為末煉蜜為丸雞頭子大每服一

丸至二九米飲下

木菴麵 噤中痢一粒飯不食宜此効

白朮五錢 肉果炮二枚 木香二錢 右為末白麵

一兩水搜作餅切作條子水煮熟用葱白生姜

鹽各少許和汁與吃看所入多少仍用雞青丸

調理

炒鷄子 治休息痢及疳瀉日久不愈

鷄子一枚先用黃膈如指大一塊銚內溶化入

鷄子拌炒熟空心食之効

剪紅丸 治痢鮮血

側栢葉 槐花 枳壳各炒 荆芥穗各等分  
醋糊丸糯米湯下

○瘧門

小兒瘧痢治同大人惟劑輕小耳當於大人科參治茲但收集數方以備緩急不重論也錄其症不外於外感內傷二者而已外感有六經之形症用和解六經之劑治之內傷有胸腹胞滿昏輕夜重之標準只以二陳湯加健脾消導之劑治之蓋無痰不作瘧也數發之後乃為截之虛

弱者補之然初發二三日之間必須導痰運脾和解為主切不可遽投補截設汗不週頭疼未徹則表邪未盡解也苟痰不清胸腹不暢則內傷未盡錄也補之截之是閉其邪而塞其去路其變也曷勝言哉和解入終之劑詳於大人仲第八卷中  
清脾飲 治瘧瘡熱而不寒或熱多寒少膈滿不能食口苦舌乾煩渴小便黃赤大便不利  
青皮 厚朴制 白朮 葶果煨 柴胡  
茯苓 半夏 黃芩 甘草各等分 生姜三片

水煎服

養胃湯 外感風寒內傷生冷溫中快萬山嵐瘴氣寒嘔逆

人參

蒼朮

厚朴

半夏

藿香

草果

煨去壳

茯苓

各五分

陳皮

七分

甘草

片

一棗一枚烏梅一枚煎服

香葛飲

嬰孩夾食夾驚傷寒四時瘟疫瘧疾

香附子

炒

紫蘇葉

各一兩

橘紅

青皮 葛根

炙甘草

各五分

每三五錢姜蔥白煎服

露星飲

治久瘧成癆以此截之

秦艽

柴胡

白朮

茯苓

檳榔

常山

酒炒一次 醋炒一次

黃芩

甘草

半夏

麴

官桂 各等分

右用酒醋水各半碗煎之

分露

一宿臨發五更服之

鬼哭飲

截瘧

常山制

大腹皮

白茯苓

鱉甲醋

甘草

桑柳枝各七條水煎臨發空心五更服



南斗散 痰瘡

常山制

白芷

南星生各

酒煎臨

發五更服

白木截瘡飲 虛弱入瘡脾虛嘔吐不思飲食不

拘寒熱極効

白木

一半生用一  
半炒用四錢

橘紅

麦芽各二 烏梅

姜五片

水煎臨發日五更服

何首烏丸 治久瘡陰虛熱多寒少以此補而截

之

何首烏 為末鱉血為丸黃耆大辰砂為衣臨

發五更白湯送下二丸

截法 不拘寒熱瘡端陽日製

菝葉尖

東南方者  
四十九片

半夏四十九  
粒為末

搗桃葉

尖為丸雄黃為衣晒乾貯瓶中封固臨用取一

九綿裹塞鼻中男左女右

鱉甲飲子 瘡久不愈腹左有塊名曰瘡母

鱉甲醋炙

白木

黃耆

草果 枳郎

芎藭

橘紅

甘草

厚朴

白芍藥分

姜東煎服

青黃散

消瘡母如神

青黛

澄去灰土

雄黃

研細飛過

各等分

為極細末每一歲用一分空心及夜淡

醋湯調下塊消其八即止屢驗屢効

銅壁山人治瘡母用月蟾丸

木香

人參

黃芪

當歸

桔梗

煨黃連

三稜

醋煨

莪朮

上全

鱉甲

醋炙

乾蟾

煨

史君子

苦棟根皮

訶子肉

夜明沙

枳實

綠礬

醋煨各等分

為末

醋糊丸陳米飲下

又截法

寒多熱少者俱以平胃散加常山草果

截之此內傷瘡

熱多寒少者俱以白虎湯加

常山草果截之

寒熱相半者俱以小柴胡湯

加常山草果截之此外感瘡

○吃泥門

小兒吃泥乃胃中熱丹溪用石膏黃芩陳皮茯苓

白朮煎服而愈徐氏用宣洽一兒食泥土困睡

洩瀉遍身如疥此脾經內外疳也以六君子湯

肥兒丸而愈

○吃生米門

吃生米者此胃中有虫亦宜健脾胃清熱肥兒丸佳

盖吃泥吃米皆疳之漸當於疳門尋治大蘆薈

丸等方酌而用之毋使臨期缺掌也

蒼朮丸 治吃生米 蒼朮米泔浸一宿為末

餅糊為丸梧子大每服五十九米飲下二日

三服

○耳門

生生子曰小兒耳疾多屬風熱上壅亦有因於沐

浴水入耳中水濕停久搏於氣血醞而為熱化

為膿汁

湯氏云耳有五般常出黃膿者為停耳出紅膿者

為膿耳出白膿者為纏耳疳臭者為伍耳內

虛鳴出青膿者為震耳症雖五般病源一也皆

由風水入耳而因有積熱上壅而成若不早治

久則成聾宜用脂膏治之仍服化痰退熱等劑

即愈也

孫季子朋來曰此五者不可謂全無分別詳其名  
 觀其色其間必有說也愚僭剖之停耳者為水  
 濕之氣久停耳中與氣血搏擊醞為熱膿蓋脾  
 主濕又脾之色黃以始為停濕所致故曰停耳  
 膿耳者心主血脈血熱化為紅膿心之色赤故  
 曰膿耳纏耳者肺主氣肺之色白肺氣不利纏  
 壅上焦化為白膿故曰纏耳伍耳者耳內府臭  
 蓋耳為腎之外候小兒腎未充足偶為氣忤逆  
 於經隧心主臭心氣不得下降腎氣不得上通

故醞而為疳臭也震耳者易曰震為雷或為雷  
 聲震動故耳中虛鳴肝之色青故出青膿也此  
 因五臟有所感觸隨臟為名故有此五色之相  
 應也既有此五臟之因須推五臟之治庶為治  
 本若謂症雖五般病源一也則子未敢首肯  
 蔓荊子湯 治內熱耳出膿汁  
 升脉 木通 麥門冬 赤芍藥  
 生地黃 前胡 甘菊 甘草 素白  
 皮 赤茯苓 蔓荊子 各等分 姜棗煎

食後服

清上散 治上焦風熱耳出膿汁頭面瘡癩  
方見風熱門

當歸龍會丸

治肝膽風熱耳中鳴出青膿名曰

震耳大便秘小便黃常服宜通血氣調順陰陽

當歸

龍胆草

柴胡

青黛 錢五

梔子 各一兩

射香 五分

大黃

蘆會

各五錢

酒苓

黃栢

酒連 各一兩

木香

五分

右煉蜜丸小豆大每二十九丸姜湯送下

清黃散

治耳出黃膿名曰疇耳內有風熱外為

水濕所干醞久而成

防風

滑石 飛五錢

甘草 炙一錢

梔子 酒炒三錢

藿香 二錢

酒連 二錢

右為末白湯調二錢食後服

清心丹

治耳出紅膿名曰膿耳及舌上生瘡如

楊梅狀者

黃連 酒炒三錢

滑石 飛六錢

甘草

辰砂 飛各一錢

薄荷 六分

犀角屑 二錢

右為末每用一錢五分

蜜拌薄荷湯下夜丹服

清白散 治肺熱痰火上壅耳出白膿名曰纏耳

兼治咳嗽

素白皮蜜炒 地骨皮各三錢 甘草一錢

貝母二錢 寒水石煨三錢 天花粉

酒苓 天門冬各一分 錢 右為末以蜜水

調食後服或白通草煎湯下尤妙

交感丹 治耳中府臭名曰伍耳或怒氣上逆上

下不得宣通遂成聾聵

香附子童便浸透 茯神 黃連各二錢

桂心一錢 甘菊花一錢 右為末每一錢五分

燈心湯調下

禹糧丸 治時耳出膿水

禹餘糧煨醋淬七次 海螵蛸去背上硬骨 百草霜

伏龍肝各二錢五分 大附子去皮臍生用一枚 右末

以綿裹如負眼法大塞耳內日再易之如不瘥

乃有虫也

龍骨散 治諸膿耳

枯礬 龍骨 胭脂各一錢 射香少許

為細末先以棉裹杖子拭去耳中膿再吹一字  
入耳中日再加海螵蛸一錢尤妙

羊角散 治耳內膿汁不乾

山羊角燒存性為末每吹二三分入內一日二  
次三日全瘳

滋陰地黄丸 治耳虛鳴膿汁不乾腎陰不足

熟地黄一兩 白茯苓四錢 山茱萸五錢 甘菊四錢

牡丹皮四錢 何首烏黑豆蒸三次 黃柏各四錢

煉蜜丸梧子大每三五十九

○龜胸龜背門

古方皆屬之於肺謂受邪喘久所致又乳母多食  
辛熱貽毒於兒感之於肺由肺脹大而胸高滿  
如龜狀也蓋胸膈之上乃肺之分野又肺主皮  
毛若背受風邪客於脊骨故背高而倮僂又或  
兒坐太早亦能致之然此多成癩疾攷之古法  
惟有百合丹枳壳防風丸及灸肺俞萬俞二穴  
而已別無治法

百合丹 胸高脹滿其狀如龜

川大黃煨

天門冬

杏仁

百合

木通

茱白皮

甜葶藶

軟石膏

右為末煉蜜丸荒薑大每服五丸白湯臨睡服

枳壳防風丸 治客風入背如龜高聳

枳壳

防風

獨活

前胡

麻黃

當歸

大黃煨各錢

麵糊丸黍米大米飲下

松蓋丹 初生不暇護背為客風吹脊入於骨內

或坐早所致

松花

枳壳

防風

獨活各一兩

麻黃

前胡

川大黃

桂枝各五錢

右末煉蜜丸黍米大每十九丸米飲下

灸法

肺俞穴 第三椎下兩傍各一寸半

萬俞穴 第七椎下兩傍各一寸半 以小兒

中指量中節為一寸 每灸艾炷如小麥粒大

各灸三五壯

龜尿法 點背腫高處節間

取烏龜置於新荷葉上用鏡照之其尿自出鍼

點脊俞中若龜尿不出用猪毛挿入鼻中其尿



即出

○虫門

小兒好食肥甘生冷傷於脾胃脾胃既傷則不能運化精微而生濕熱濕熱久則生虫也發則腹中疼痛上下往來無有休止或亦攻心則合眼啼哭撲手仰身神思悶亂嘔噦涎沫或吐清水四肢羸困面色青黃飲食難進不生肌膚或寒或熱沉沉嘿嘿不知其病之所在不早療則腹中子母轉轉相生虫長一尺足能殺父觀周

歲已前小兒鮮有此苦者良由飲乳不食肥甘生冷虫無從而生也即是觀之虫之生於濕熱肥甘也不亦明乎予故述此生虫之源以為令之為乳母者姑息之戒  
化虫丸 虫咬心痛來去不定不思飲食

鶴虱

栝榔

胡粉

苦楝根

取東行小枝各

五錢

明礬

半拈半生三錢五分

右末

麵糊丸荒豈大

三歲者服三十九丸白湯入香油二滴吞下食前服如有小虫皆化為水大虫即從大便而下初

服甚効

史君子丸 小兒五疳脾胃不和心腹脹時或疔痛不進飲食漸至羸瘦

厚朴

陳皮

史君子肉

湯浸去黑衣各一兩

甘草

川芎

各二錢五分

白芍藥

錢五

右為末煉蜜丸

皂子大三歲已上下丸米飲下

烏梅丸

治蛔厥當吐令反靜而復煩此為臟寒

細上入其藟須更復上得食而嘔又煩蛔聞食

當自吐及治久痢

烏梅 三十個

乾姜 炮一兩

黃連 二兩

川椒

當歸 各四錢

細辛

人參

大附子

炮去皮臍

桂枝

黃栢 各七錢

右末用酒浸烏梅肉下

宿蒸飯搗為丸麻子大每十九日二次忌生冷

楨榔丸

楨榔

鶴虱

貫衆

乾漆

炒焦存性

蕪荑

雷丸

雄黃 飛

史君

子肉

川練子肉

木香

黃丹

錫灰

輕粉 少許

巴霜 二個

右為末酒

煮麵糊為丸黍米大五更早用猪肉葱油煎將

肉細嚼勿吞下，但只引虫頭向上，便將肉汁調化虫散，或吞檳榔丸至巳時，取下虫方進飲食。化虫散：先將猪肝油炙令兒聞其香味，引虫頭向上，則藥可行。雷丸、鶴虱、甘草、史君子肉、秋、右末用猪肉煮汁調五更服。

○疳門

生生子曰小兒疳症，最為重候。顧疳字從甘，明其嗜貪甘肥成積，生虫損傷脾胃，脾胃一虛百病。

歸起古稱五疳言五臟之疳也。五疳之外其名甚都，如曰疳氣曰疳虛曰疳熱曰疳痢曰疳露曰腦疳曰脊疳曰無辜之類，不勝枚舉。蓋脾胃虛則停積，則生熱或瀉或痢，或風或癰，生疳生虫。二十已下其病為疳，二十已上其病為癆。症雖多種，源一而派殊也。而治總在脾胃為重。五臟皆受氣於脾胃，賴坤元以資生也。又有乳母未斷乳時，先躄身孕兒飲孕乳，久為癩病，以其疳成肉消，顛大髮穗，腿枯形肖傀儡，若魃然。

也又有母躰虛弱氣血不足乳汁不充強餵粥飯耗傷形氣皆成疳兆楊錢二公治論極正採錄於左以為法眼

楊氏倓子曰疳之受病皆虛使然熱者虛中之熱冷者虛中之冷積者虛中之積治熱不可妄表過涼治冷不可峻溫驟補治積不可用羈峻取錢氏仲陽曰小兒初病為肥熱疳熱則涼之久病為冷瘦疳冷則溫之小兒易虛易實過寒則生冷過溫則生熱峻取則重傷脾胃上醫處其消

積和胃滋血調氣隨順藥餌以扶持之病家調節乳食以裨養之使營衛調和臟腑充實若或過焉君子未保其往也積者疳之母由積而虛謂之疳極凡有積者無不壯熱脚冷若積而虛甚則先扶胃使胃氣充實方與微利急以和胃之藥扶虛救裏如白朮菟蘿蔔子砂仁蓬朮消積等劑疎利之藥也脇腹癖痛亦虛中之積先寒後熱飲水不食或飲水而致喘嗽凡熱疳以胡黃連丸冷疳以木香丸冷熱疳以通神丸主

之疔在外耳鼻生瘡者以蘭香散諸瘡白粉散  
主之

銅壁山人曰凡治疔不必細分五疔但虛則補之  
熱則清之冷則溫之吐則治吐利則治利積則  
治積虫則治虫不出集聖丸一方加減用之屢  
試屢驗矧此方收聚藥品極為工緻誠醫中之  
王道疔門之穴也紫幼科者則亦當知其所  
自哉

生熟地黃丸 治肝疔白膜遮睛合面而卧肉色

青黃髮穗筋青腦熱羸瘦生地黃 熟地黃各錢

川芎 赤茯苓 黃連 杏仁

半夏 天麻 甘草 當歸 枳壳炒

地骨皮各二錢五分 右每三五錢姜三片黑豈

二十粒水煎服

地黃丸 腎疔極瘦遍身瘡疥發寒熱時頭熱脚

冷 熟地黃錢八 山藥 山茱萸各四錢

澤瀉 牡丹皮 白茯苓各三錢 右末蜜

丸梧子大每服十五丸白湯下

又方 治全上 無山茱萸茯苓澤瀉加史君子

川練子ヲ

茯苓丸

茯苓神

蘆會

琥珀

黃連

赤茯苓各三錢

釣藤鈎

遠志姜煮

乾蟾

煨

射香許少

石菖蒲各一錢

右粟米糊丸

麻子大每十二十九薄荷湯下ス

神効換肌丸

脾疳肌瘦潮熱盜汗飲食易傷臟腑糟粕飲食不化頭大腹急ス

黃連炒 驚甲醋炙 肉果煨 訶肉煨二分

射香一分五厘

麥芽炒

神麴

史君子肉煨各五錢

右末麵糊丸ス

大末飲下ス

看大小服ス

靈脂丸 脾疳食疳

白豈寇

麥芽

五靈脂

砂仁

蓬朮煨

青皮

陳皮

史君子各二錢

乾蟾煨三錢

右末米糊丸ス

麻子大米湯下ス

清肺湯

桑白皮蜜炒五錢

紫蘇

前胡

黃芩

當歸

麥門冬

連翹

防風

桔梗

肺疳咳嗽氣逆多啼壯熱惡寒

靈脂丸

脾疳食疳

神麴

史君子肉煨各五錢

射香一分五厘

麥芽炒

神麴

史君子肉煨各五錢

茯苓 生地 甘草各二錢五分 每五錢水煎服

黃連肥兒丸 治一切疳及疳眼赤腫昏暗雀盲或經月眼合不開

黃連兩一 燕蕒 麦芽 神麴各五錢

青皮 史君子肉各二錢五分 右各炒為末

猪胆汁丸 麻子大每十五丸米湯下

大蘆會丸 治疳殺虫和胃止瀉

胡黃連 黃連 白燕蕒 蘆會

木香 青皮 雷丸白者 鶴虱炒各五錢

射香二錢 右末粟米飯丸荒豈大米飲下二三

十丸

香薷丸 疳瀉 黃連姜汁炒三錢 肉果煨

木香 訶肉 砂仁 茯苓 右末飯丸

麻子大每二三十九丸米飲下

加味肥兒丸 治諸疳身黃肚急痞塊洩瀉瘦弱

胡黃連 史君子肉 三稜 莪木各煨

木香 香附 青皮炒 陳皮 檳榔

麥芽炒

神麴炒各一兩

川黃連

蘆會各五錢

右末神麴糊為丸荒荳大米飲空心下三五十

丸小兒無熱去胡黃連泄瀉加人參茯苓

肉果

加味胡黃連丸 治疴疾一切虛痢諸藥無功此

方極效

胡黃連

蘆會

川黃連

肉果

桂心

人參

辰砂

史君子

木香

釣藤

龍齒

茯苓各等分

射香少許

右末用獾猪

胆汁二枚取汁和藥令勻却裝入胆袋內以繩

扎之更入葶藶子二錢微炒黃丹一錢二味研

末入前藥和勻搗五百杵丸荒荳大米飲吞下

五七丸治一切十二種疴痢無毒疴亦佳

珂破丸 治無毒諸疴一服虛熱退二服渴止三

服瀉利佳 蟾蜍一隻打死置桶中取糞虫入

桶一日一夜將虫取起以布袋盛安急流水中

一宿取出瓦上焙為末入射香一字飯為丸麻

子大每三五七丸米飲下

此方極驗



木香丸

治疝痢冷熱不調五色雜下裏急後重

黃連錢二

木香

厚朴制

砂仁

夜明

沙

訶肉各一錢

右末粳米飯丸麻子大每

服二三十丸艾姜湯下

十全丹

治丁癩噴露

青皮

陳皮

莪木煨

川芎

五靈脂

白豆仁

檳榔

蘆會各五錢

木香

史君

子

乾蟾灰各二錢

右末猪胆汁浸糕糊丸

麻子大每服二三十丸米飲下有熱薄荷湯下

五疳良方

治疳

黃連

蕪荑

神麩

麦芽

陳皮

木香

乾蟾煨存性各一兩

檳榔枚二

史君子

肉果枚二

射香字一

右末以猪胆汁二枚入好

酒打糊為丸芥子大米飲下二三十丸

天麻丸

治肝疳風疳疳眼

青黛

黃連

天麻

五靈脂

川芎

夜明沙炒

蘆會各二錢

龍胆草

防風

蟬退

各一錢五分去足嘴

全蝎枚二

射香少許

八月廿九日

三

三

乾蟾頭錢灸 = 右末猪胆汁浸糕丸麻子大每  
二十丸薄荷湯下

地黄清肺飲 肺熱疳積蝕為穿孔臭或生瘰肉  
或鼻生瘡

素白皮蜜炒 五錢 紫蘇 前胡 防風

赤茯苓 片苓 當歸 連翹 桔梗

天門冬 生地 甘草各二錢 水煎食後

服次服化贗丸

化贗丸 蕪荑 蘆會 青黛 川芎

蝦蟆灰 白芷 胡黃連各分 右末猪

胆汁浸糕糊丸麻子大每服二三十丸食後卧

服以杏仁湯吞下其真常用熊胆泡湯小筆蘸

洗俟前藥各進數服却用青黛川歸赤小荳瓜

蒂地榆黃連蘆會各等分雄黃少許為細末吹

入收功

下虫丸 治疳蛔諸虫

木香 菴仁去皮 蕪荑炒 檳榔各一錢

鶴虱炒一錢 輕粉五錢 乾蟾灰三錢 史君子肉五十枚煨

白苦練根皮酒浸 貫衆各二錢 右末麵糊丸

麻子大每三十九空心清肉汁下 治疳勞脊

勞加川歸黃連各二錢五分

龍胆丸 治腦疳熱餅瘡

龍胆草 升麻 苦練根皮 防風

赤茯苓 蘆會 油髮灰各二錢 青黛

黃連各三錢 右末猪胆汁浸糕丸麻子大每二

十九薄荷湯下食後仍以蘆會末吹入鼻中

驚血煎 治疳勞

蕪荑 柴胡 川芎各一兩 人參五錢 胡連

川連各二錢 史君子一枚 右用驚血下蓋吳茱

黃一兩拌二連淹下宿次早炒乾去茱萸只用

二連俱為末粟米糊丸麻子大每二三十九白

湯下

驚甲丸 治無辜疳腹中毒起四肢瘦削

驚甲醋炙 黃連 枳壳 夜明沙各炒

訶肉一枚生一熟 射香二分 蝎虎錢一 右末

蜜丸荒荳大每服五丸米湯下日三服

梅肉丸 諸疳煩渴飲水不休

定粉 龍胆草 烏梅肉 黃連炒各

煉蜜丸黍米大每二三十丸白湯下

五疳消食丸 治五疳个痢殺腹臟虫療疳勞及

走馬牙疳唇爛肚大青筋此藥大能健脾進食

華顏色長肌肉

麦芽 史君子 黃連 蕪荑炒各

陳皮 龍胆草各等分 右末粟米糊丸如粟

米大每服二三十丸空心米飲下不拘時

蘭香散 治小兒走馬疳牙齧潰爛以至崩砂出

血齧落者

輕粉 蘭香子各一錢 蜜陀僧炒醋淬

右末傳齒及齧立効

傳齒立効散 鴨嘴胆礬匙上煨 射香少

右研極細末以少許傳牙齒齧上

又方 用蟾酥一字加射香傳之

地骨皮散 治腎疳齧腭牙齒肉腐臭鮮血常出

生乾地黄錢五 真地骨皮 比細辛各二錢半

五倍子炒焦 右末每以少許傳之頗用効  
亦可服ス

大効史君換柳丸 嬰孩食肉太早損傷脾胃水  
穀不分積滯不化傳為疳候

肉果 栝柳生 宣連 胡連

陳皮 青皮 川練肉炒 神麴

蕪荑皮炒去 麦芽炒 木香 夜明沙炒

蘆會 川芎各一錢 射香字 右末雄猪胆

汁薄荷汁為丸麻子大每三五十九米飲下

肥肌丸 一切疳氣肌瘦躰弱神困乏力常服

垂消疳開胃進食

黃連 香附酒炒 陳皮各二錢半 川練子肉炒

川芎各五錢 木香二錢 右末紅麴糊為丸麻子

大每股三五十九米飲下

通神丸 治冷熱疳

胡連 川連各二錢 木香 蕪荑炒

丁香 肉果生 史君子肉各一錢 大蟾蜍

一隻劉水 右末膏和丸麻子大每十五丸米

煮爛研膏

飲下

取交妳一切疔毒

夜明沙錢五精猪肉三兩碎切全入瓶水煮爛與

覓食之汁亦飲之取下腹中胎毒次用生姜

四兩和皮切炒黃色再用黃連一兩二味為細

末者麵糊為丸黍米大米飲下三五十九

布袋丸 諸疔面黃腹大飲食不潤肌膚此方

予平日用加阿魏五錢極効

夜明沙 蕪荑 史君子肉各二兩 白朮

甘草各

炒

茯苓

人參

蘆會各五錢

右末餛餅為丸彈子大每十九以生絹袋盛用

精猪肉二兩全入瓦甌煮極爛聽兒食肉飲汁

其藥取起懸於風處次日再用

如聖丸 冷熱疔瀉極神効

胡連

川連

蕪荑

史君子肉各一兩

射香分五

蟾蜍五隻酒

右末以膏和為丸麻

子大每三十九人參湯下

肉棗散 肉疔而瘡侵入口鼻

東肉二枚入青礬如棗大火煨存性為末入射  
香少許香油調塗

煮肝散 疳眼翳膜羞明不見物

夜明沙

蛤粉

穀精草

各一兩

右末每

服一錢五七歲二錢用雄猪肝如匙大一塊批  
開摻藥在內攤勻麻扎定米泔水半碗煮肝熟  
撈肝將汁傾在碗內將目薰之其肝分作三次  
食之即將肝汁送下三次不拘時如大人雀目  
空心食之至夜便能見物如患久不効再製服

即見効

黛連盧會丸 小兒食甘甜味食之則生虫生疳  
以此治之

胡連

盧會

川連

史君子

各五錢

神麴

炒一兩 阿魏

青黛

射香

各一錢

右末糊先黍米大米飲下

四味肥兒丸 嘔吐不食腹脹成疳作瀉不正或  
食積脾疳目生雲翳口舌生瘡牙齦腐爛發熱  
瘦怯遍身生瘡小便澄白腹大青筋一切疳候

川連

燕蕒

神麴

麦芽

各等分

右末糊丸桐子大每二三十九白湯下

銅壁山人黃公集聖丸

治一切疔症附加戒法

於後屢試屢驗

蘆薈

五靈脂

夜明沙

砂仁

橘紅

木香

莪朮

史君子肉

各錢

川連

川芎

乾蟾

當歸

青皮

各錢半

因於虛者加人參二錢白朮三錢去

莪朮青皮

因於熱者加龍胆草三錢去砂仁

莪朮

因於吐瀉下痢者加白朮二錢肉果煨

訶肉各一錢五分去青皮莪朮因於積痛者

加煨三稜川練子肉小茴香各二錢去當歸川

芎因於瘡者加鱉甲醋炙三錢因於虫者

加白燕蕒一錢五分川練子肉二錢去當歸川

芎因於渴者加人參白朮各二錢去莪朮砂

仁右為細末用雄猪胆汁二個和麴糊為丸

看大小服米飲送下予按此方乃十全丹去

栳榔白草仁加黃連夜明沙砂仁尤為有理方

八記金覽

卷之三

三



名十全功收十全也。茲改集聖者集治疔之聖品也。此方不熱不寒，補不致滯，消不致耗，至穩至妥，故有屢試屢驗之語云。

又猪肝散 治疔積癩而軀羸弱不經下者用此補而下之。下後再以參苓白朮散之類調理。雄猪肝不見水者四兩用竹刀批開，將新荷葉晒乾為末，二錢摻入肝內，重湯煮熟，以肝與見食之，空心服至巳午時取下惡物，從大便而出，不動臟腑，極佳極佳。

○癩門

錢仲陽云：凡治五癩皆隨臟治之。每臟各有一獸之形証，並用五色丸治之。此治小病者，發而重者，死病甚者亦死。若反折上竄，其声如犬，症屬肝也；目瞪吐舌，其声如羊，症屬心也；目直腹痛，其声如牛，症屬脾也；驚跳反折，手縱其声如鷄，症屬肺也；肢躄如尸，口吐涎沫，其声如猪，症屬腎也。

坐生子曰：參前論雖以五獸配屬五臟，亦是以意

測之耳視其並用五色丸驟治之且謂發重者及病甚者皆死再無別治法豈謂一五色丸悉能之耶抑謂此病為不治之症殆無可奈何耶將為畧之耶攷之上古未有五獸之分惟朱丹溪乃曰癩症大率屬痰與驚不必分五尋火尋痰分多少而治無有不愈有熱者以涼藥清其心有痰者可用吐法吐後以東垣安神丸及平肝之藥青黛柴胡川芎之類丹溪此論亦極當理

癩病與急慢多相似而實非癩發時驀然仆地作聲作搐或目上視醒吐涎沫急慢症則不然也蓋驚發後即止癩發或一年一度或一季一度或一月一度或三五日再發或受驚而再發或勞心勞力而再發驚則無此之頻也癩有陰陽若病初作時先身熱開目癩癢驚啼叫喊而後發脉浮者為陽癩仆地多仰內在六府外在皮膚故易治若病先身冷目半開不癩癢不啼叫而作脉沉者為陰癩驀然墜伏此內

在五臟骨髓故難治

夫陽癰不因吐下由其內有痰熱客於心胸之間因聞大驚而作若熱盛雖不聞驚亦自作也陰癰其始也亦本於痰熱醫以寒涼藥攻下太過損傷脾胃乃變而為陰非癰本有陰寒症也戴原禮曰癰有五無非痰涎壅塞迷悶孔竅發則頭旋顛倒手足搐搦口眼相引背僵直吐乳吐沫食頃乃甦宜星香散加全蝎

孫季子朋來曰凡治驚風顛癰之症而辰砂雄

黃金泊水銀鉛粉等劑不可以久服也緣此皆治有餘之症驚搐初發胃氣尚壯痰邪方盛非此慄悍踈利之劑為之先鋒不可以祛去也稍久則不宜用蓋小兒臟府脆弱易致虛耳前劑皆傷脾者丹溪云氣虛之人有痰胃氣亦賴所養卒不可便攻攻反易生而多惟健脾胃以全運化之職則新痰不生兼佐之以消痰之劑則風自定故不專以鎮心攻痰為仗且心者一身之主神明出焉智慧之所由生也鎮心之劑

過多則神志奪而聰明窒塞內經曰主不明則  
 十二官危余往々見多服驚風鎮心之藥者驚  
 定之後痴呆愚鈍寡言寡笑靈覺寂無惓然可  
 憫詎思前藥之所誤哉幼々之心當知所慎又  
 有食癩原從飲食過傷而得後復傷飲食則發  
 其外症嘔吐酸氣或大便餽臭治法先當吐其  
 食俟定後宜以下積藥看輕重下之積去則不  
 復發

五色丸 又名五癩丸

硃砂錢五

雄黃

珍珠各一兩

各為細末

再以鉛二兩入銚溶化投汞二錢五分攪硬研  
 末和勻煉蜜為丸麻子大每服三四丸薄荷湯下

牛黃丸 治風癩因汗出解脫風邪乘虛迷悶搗

掣涎潮屈指如箕數

胆星

全蝎焙

蟬退

各二錢半

防風

天麻

射香

姜蚕

各一錢五分

右末棗肉

為丸水銀五分研細入藥丸如茱萸大每服二

丸荆芥生姜湯下

消風丸 治風癩先宜用此

胆星 羌活 獨活 防風 天麻

人參 荊芥 川芎 細辛各一錢

右末蜜丸梧子大每十二丸薄荷紫蘇湯化下

比金丸 治驚癩先宜用此

人參 琥珀 茯苓 遠志去心姜汁炒

硃砂 天麻 石菖蒲 川芎 南星

青黛各一錢 射香 右末蜜丸梧子大每十二丸

薄荷湯下

化風丹 涼風化痰退熱定搐

胆星 羌活 獨活 防風 天麻

人參 川芎 荊芥 粉草各一錢 全蝎

一枚 右末蜜丸皂角子大每十二丸薄荷湯化下

妙聖丸 治食癩因驚而傷食吐乳發熱大便酸

代赭石煅醋淬二錢半 巴霜三錢 雄黃 全蝎

辰砂 輕粉 射香各一錢 杏仁炒二錢

為末束肉為丸梧子大每十二丸木賊湯下

斷癩丹 治癩瘡後復發症候多端連綿不止

黃芪炙蜜

釣藤

細辛

甘草炙各五錢

蛇退酒炙二寸炙

蟬退個四

牛黃錢一

右末束肉為

丸麻子大人參湯下每服十數丸看兒大小

茯神湯 治胆氣虛寒頭疼目眩心神恐懼不能

獨處或是驚癩スラ

茯神

酸棗仁炒

黃芪

栝子仁

白芍藥炒

五味子各一兩

桂心

熟地

人參

炙甘草各五錢

右每五錢水煎服

養心湯 治心血虛怯驚癩或驚悸怔忡盜汗無

竊發熱煩躁

黃芪

茯苓

茯神

半夏麩

當歸

川芎

官桂

栝子仁

酸棗仁

五味

子

人參各三錢

炙甘草一錢五分

姜朮煎服

妙香散 治心氣不足驚癩或精神恍惚虛煩少

寐盜汗等症

辰砂錢三

射香錢一

木香煨二錢半

茯苓

山藥

茯神

遠志

黃芪炒各一兩 桔梗

炙甘草

人參各五錢

右末每服一錢溫酒

國家圖書館, NATIONAL CENTRAL LIBRARY

或白湯下

五癩丸得効方

露蜂房焙

石硫各兩

桂心

遠志肉

人參各五錢

硃砂一錢

右末粥丸梧

桐子大每二三十九白湯下

參星湯

虛而癩久不愈者

人參五錢

南星炮

為末每服一錢看大小姜枣湯下日二次

銅壁山人治諸癩發歇無時

乾地龍

焙五錢

虎睛一對

人參

天竺黃

代赭石

煨醋

辰砂

鐵粉各二錢半

輕粉五分

雄黃一分五錢

金銀箔各三

牛黃一錢

琥珀三錢

腥星

遠志


右菖蒲

白附子各三錢

姜蚕一錢

右末蒸餅糊為丸荒苴大菖蒲紫蘇湯下

### 大宮詹少溪吳馭閣校



國家圖書館, NATIONAL CENTRAL LIBRARY, TAIWAN, R.O.C.

八頁全錄

三三六

終



赤水玄珠小兒科痘疹心印附小引

生又子曰余鑄赤水業已厠小兒科其間

矣茲彙襍症為三卷又續痘疹心印為五

卷者何蓋昔人稱小兒之疾為啞症難之

也况痘疹之安危限口時刻變幻在於呼

吸難之難也余故悉心詳小兒之襍症與

